

平高文集

田之六

|      |          |
|------|----------|
| 内閣文庫 |          |
| 番號   | 漢 10277  |
| 冊數   | 12 ( 3 ) |
| 函號   | 函 3 1    |



国立公文書館  
National Archives of Japan

糊などで貼り付けられている部分がめくれない箇所があります。

原本の文字など不明瞭な箇所があります。

綴じ部(喉部分)の文字など不鮮明な箇所があります。

平齋文集

五之九

平齋文集卷第四

詩三

壽崔西清二首

武侯王佐材有膽大如屋愛之莫助之隻手挈全  
蜀淋漓出師表所舉良且淑孔鸞非不佳健翻欠  
鴻鵠先生能休休用衆不用獨何止福蜀人爲作  
天下福

幾年生一賢大任天所授三光五嶽氣半點無缺  
漏曾中老規摹超出造化囿靜爲動之機燕坐運  
宇宙良居冬春間初度恰先後用心得良體所以  
仁者壽

試院口占 二絕

燕隨社去鴈初來黃蜀葵花隔岸開  
萬里江湖秋思動擣橙和蟹薦新醅  
追懷三五少年時歲月堂堂兩鬢絲  
茅屋秋風歸未決障泥能費幾熊皮

隨筆

歸州多癭生昭君郢州多癭生莫愁  
造物何如等教癭盡令尤物不成尤

林氏著存亭

有銘於鼎未爲著無忝所生方是存  
篠下若人元不死春風吹雨着寒根

馬城詩寄趙藉令

馬城在北關外

馬城去天咫雨露足芳澤萬菲主園丁  
造物乃其客秋能握而春紅可幻以白  
枝葉隨手變根蒂若爲索達人一笑粲  
曾寬斗杯窄

挽李貫之郎中 二首

剛大平生氣誠明問學功不爲官所餌  
寧以道而窮論事馮唐力憂時賈誼忠  
朝陽無此鳳何止哭江東

天定何能待西風杳去槎斯人嗟已矣  
吾道信非耶石泐名猶在江空恨更賒  
濂溪應配食杯水薦寒花

次張義立登九頂三絕

大像

坐斷江山現法身大光明裏萬波旬東風歸棹律  
頭過同是慈航得度人

清音亭

漚生漚滅負苓易雲去雲來摩詰詩莫道賞音今  
古少江山新亦受人知

烏尤

酒壯千林如欲舞詩豪萬景不容驕山中肯着如  
斯客來聽春風婆餅焦

萬景樓次韻六絕

扶疎巖桂拒霜開蒼莽鷓鴣屬玉來想見山陰秋  
色裏一聲欸乃暮潮回

金谷白頭誰石友香山青眼幾殷兄三峨九頂知  
人意長與江樓酒面平

秋入徐熙水墨山荻花吹雪渺江干樓頭未用催  
行酒待到三更月上看

木落川空亦大奇坐中亡酒客須追非渠江漢孟  
東野孤我南山韓退之

霜磧蕭蕭落漲痕西風吹日墮金盆馮高送目河  
湟外萬里戎情屬柳渾

過鴈聲中歲月侵東流江水識歸心峨眉天目高

相似多買青山尚及今

壽鄒茶使 二首

鶴鴈旌旗導紫輶方瞳秋水照人明泰山可碎膽  
常定滄海自渾心轉清萬事至公如正獻片言不  
妄即元城擎天正要堅牢柱長與皇家植太平  
手挈蓬弧掛井參籌邊樓下瑞雲深傳將絕學聖  
賢脉會得初陽天地心議論文章曾萬甲功名富  
貴腹三壬春風禁柳東華路扈駕催行荔子金

辛巳夏四月行西山欲賦未能也得曹

瀘南壬午冬留題上清詩因次韻 三首

窈深青城路逢僊不知名悠然拾瑶草天風颭雙

纓進予語之道誠者非思誠谷神以虛應萬物同  
一靈是謂衆妙門古今未嘗局

僊人愛樓居梯空銜靈赫下有煉丹井光怪不容  
翬凌晨酌井花御風謝塵迹飄搖芙蓉旆三十六  
峯碧欲扣讀易翁蒼苔洞門閒

朝陽生危岑委光皂江壩江妃舞倒景老木奔驚  
猿羣僊亦戲劇挹袂來聯翩笑倒天地間誰虧復  
誰全手携昭文琴一曲三千年

大雲寺同王翬父晚歸

春風拍天梯夕春墮寒浦潭潭水晶宮灑灑赤金  
柱汞爐煮丹砂釀作九霞醕陽侯醉而狂喚起燭

龍舞濕紅照白髮客子有酒所舉鞭問同來扶桑  
在何許同來狂更甚攜手作虜語上流屠鯨鯢流  
血一川雨

用伯脩韻迂虞提刑

從來圖易必思艱運甓工夫莫放閑萬里功名終  
竟在百年元氣早須還安危着眼棋枰外中否留  
心弩括間寄似匆匆無幾語華陽東去是潼關

嘉陵江舟中

三絕

柳色黃黃草色微一川新綠兩紅衣老天也信還  
家好淡日柔風送客歸

辛夷零落水生漪睡暖沙鳧蔭酒旗不是歸帆相

料理春光如許底能知

東風吹老地棠花燕子歸來認得家茅屋石田渾  
好在白頭何苦尚天涯

落棗

楊柳天機淺櫻桃世態深空山鳩問荅肥水鷺浮  
沉格物知窮理觀時會省心最憐誰氏女沙裏日  
淘金

岸行

少年血氣暗消磨盜盜陽春保大和已放杏花風  
味短未酸梅子典刑多一官滿去魚無餌萬里歸  
來燕有窠但願時平蠶麥好免教人問蜀如何

新井道間

飲澗思浮白行山當踏青栢邊橙葉長麥裏豆花  
零清唳愁腸伴踈香勸眼醒牛頭應不遠三舍即  
鹽亭

安泰

不是官身是客身下車隨意踏芳塵空濛山色雨  
非雨冷淡花梢春自春裘弊黑貂猶耐老褐移紫  
鳳未全貧青帘垂脚遊絲外到處東風似故人

徒然萬里行所得惟一莊王翬父泥溪  
別時語也戲足成四十字以寄

徒然萬里行所得惟一莊莊中果何有麩赤藤叔  
黃豐歲誰可口凶年或充腸旦旦勤榔疇謹勿令  
莊荒

和黎德升贈別

朱弦無繁聲大羹有至味人惟不苟同終亦不苟  
異咸戒咸其腓賁取賁其趾出處進退間當思古  
人齒嗟予何爲者涉世聊復爾來從吳盡頭直到  
蜀築底赫日青石裂淒風黃葉委道旁幾挪揄得  
已猶不已君如細柳軍堅壁閱兒戲又如渥洼馬  
超軼不受繫客窻日相從肝膽瑩彼已偏校紛已  
侯憐我尚猿臂曾藏數萬甲智絕三十里清談對  
夜分常恨世少洽酒酣或怒罵天下無真是佞夫

戴髑髏請劍淬越砥長亭楊柳黃妙語鮑謝體不  
作兒女別相期青雲器深沉老元戎夢寐古輿地  
視師薄郟城受甲高熊耳相與善籌之塞草春無  
際

應提刑招飲北山

萬綠梢頭眼雙江合處城山如人有立水與市俱  
橫啼鳥春風暖飛花晚照明笙歌推使去緩屨當  
車行

伯矩同登牛頭

兩翼城包險三分寺占竒市囂芳草隔古意落花  
知歲熟人情樂時清物態熙江山輸眼底盡是太

平詩

過三鶴山 二絕

造物工夫拙剪裁羣芳各自得春開梨花嫁與東  
風去隨後茶蘼作媵來

客路浪成千里繳老懷虛過一春遨落紅剛被風  
扶起恰與連雲石棧高

入少城

嚴城槌鼓暝陰催劍棧歸來第幾回喘汗老兵迎  
馬報燕王宮裏海棠開

題李叅政范殿撰大散關詩後

秦關老月幾虧盈長照詩人白髮明一死一生漚



起滅未應於此見交情

次李公謹美人行見寄

梨花深寂楊花閑雨鳩晴鳩兩關關越王樓下春  
事繁有美一人心獨丹欲往從之厚我顏無繡段  
兮爲君懽子規夜嗥斗闌干江草碧色江波漫芙  
蓉城頭芳露乾有美一人擁朝寒欲往從之髀肉  
酸無桂棹兮揚君瀾牛頭撥雲尋懶殘牛背落日  
人空還短筇尚點湘妃斑好春未必天能慳東風  
到處如家山白髮相對母永歎茶蘼結架三百間  
爲君醉倒驕旁觀

後溪挽詩二首

玉珮華裾翠霜髯睥頰紅四朝天下老百世後溪  
翁綠竹猗重較黃裳美在中平生涵養力於道有  
全功

氣象融三極規摹隘九州天津朝發軔野渡晚橫  
舟衛道身何愛憂時死未休落花春寂寂萬古蜀  
江流

柳絮二絕

造化勿忘還勿助精神非色亦非空殘雲初雪雍  
容甚高下東風點亂紅  
風標清白難諧俗氣候中和易得朋招不肯來麾  
不去若無才思渠應能

追和及甫雪

胚臍造化妙天家趁得辛夷未着花濁水淤泥還  
絮白枯株朽樹亦芳華長空光眩鳴臯鶴厚地寒  
侵入宇蛇鉅竹南牆清絕甚一編孟子一甌茶

三月十四日送燾東下至龍爪灘過虞  
開國墳庵見壁間虞仲易觀棊詩有天  
上人間元一氣如何頃刻爛樵柯之句  
雁湖甚賞之因用韻反騷

周天日月何曾住大地山河祇自磨不死者存人  
獨耳會令芥亦爛如柯

拜和 老人見寄韻

阿翁瑩徹八窻冰獨愛春郊畫有聲正紫魚肥桃  
漲暖欲河鮑上荻芽生驚雷破柱眠逾穩明月中  
庭酌屢更應待兒歸相從史萬紅堆裏禦齊橫

彌牟觀土八陣寄程嘉定

房公堂是蓋公堂漏下無聲日正長應念常山蛇  
陣處有人搔首立斜陽

楊漢州見和荅之 二首

西樓伴食老西堂折韞渾無半線長推向萬山深  
處去沉犀橋北望龍陽

春隨落絮去堂堂白髮相看作許長人物如公猶  
未節諸生何敢薄淮陽

荅程嘉定 二首

練袂蒿簪不下堂肯隨時世畫眉長旁人莫解東  
風意只道花梢合向陽

鈴索閑閑靜冶堂

漢州東堂

槐陰匝柳絲長東君五

日如京兆早及殘紅醉豔陽

○隆慶徐守作堂名蜀固一夕夢與余賦

詩堂上有何時首歸塗樽酒逢故人之

句未幾過其堂爲賦之

蜀踞國上流蜀固天下固欲爲天下謀護蜀風寒  
處極邊植藩籬黃牛白環戍中間屹垣墉武休河  
絕路近襄古劍關峭絕鳥莫度屏蔽益梓夔堂與

有門戶天險以德強地險以勢阻王公設人險頗  
牧與羊杜前茅元戎崔當道卧老虎後距付君侯  
萬卷作干櫓坤維鞏金湯國勢重鼎呂子曰有疏  
附予曰有禦侮我聞大劍旁小劍可馳驚雙軌來  
蘇坡半葦白水渡徹桑徧綢繆迨此未陰雨毋謂  
天下壯而恃一夫怒高堂挹橫山雲木叫杜宇樽  
酒逢故人重圓夢中語

送王崇慶得樽字

白苧籠輕暑紅榴照別樽兩帆先後去一水古今  
存玉札須多蓄金甌莫點痕相期黃卷裏培植太  
平根

昭化

梅子收霖雨榆花斷瘴煙濃雲明白鳥深草暗烏  
捷歲月灘聲裏家山客枕邊老來圭角盡戒得是  
韋弦

送交代王公輔

興州乳臭腥紅袍萬馬夾擁橫磨刀奴顏婢舌競  
勸進羅拜狗彘謹優猱漢家衣冠餘兩豪同楊却  
立渠肯汗腥臊傳呼趣拜聲色厲一已俛首昂其  
尻獨君此膝竟不屈男兒等死輕鴻毛群儉相顧  
重太息我輩天地焉能逃安西樓碑字如斗勲名  
爛熳官稱高若為龍州易萬州雙鬢如雪風騷騷  
君不見義不帝秦魯仲連何曾黃金橫帶後部鼓  
吹前駢旄

行三盤墓頤棧道 三首

棧險涎魚蛤梯危嘯虎驅室人交謫我客子倍愁  
予後殿推腰上前行掉臂呼龍眠如得見寫作赴  
州圖  
息女頰相問危途骨欲摧兒知緣底去耶自為官  
來野圃榴多子山田芋有魁乞歸吾計決一粲且  
傳杯

虎爪灘頭棹墓頤閣上車危機知略似薄命聽何  
如鷓鴣後陵飛景鳩巢架太虛乾坤真一穿着眼

踏

赤崖

老箐深藏洞嵌崖峭夾谿雙扉三峽似半壁竇圖

山名在彰明界

低落日人煙絕孤雲客路迷紅旗穿石去

青兕隔林啼

讀史 三絕

泗水飛沉周寶鼎霸城過住漢銅人人心不似無  
情物多少英豪入魏秦

晉將屈乘餌來虞越送西施買斷吳馬齒雖高人  
未老五湖風月禮陶朱

黃門常侍禱明堂竇武陳蕃橫被殃料得天公方  
睡着不應受囑變官方

○用蜀行送徐隆慶守金州

兵家如弈棋局局勢不同漢王引兵故道出襲雍  
武侯率師祁山搖關中何曾踏陳迹乃欲收新功  
中興用蜀九十秋咄哉求劍空刻舟今年出秦州  
明年出鞏州了無一鏃飛到商虢州但諉險絕不  
可度豈識竒道須竒謀漢水陰洵水陽左房襄右  
梁洋中間詩書禮樂帥手提招搖麾天狼以人材  
為武庫以人心為金湯於斯二者有足恃出竒度  
險如康莊君不見紹興間虜從鶻嶺窺蜀山彼旣  
能來我能往疾驅風雨過潼關

毀鄧艾廟

蜀庸無與守魏吃浪成名血已洿砧机魂猶饜酒  
牲柏溪融雪瀉玉案倚雲橫渚薤莫留跡山川方  
氣平

西龍道院

溪影山光浸曉寒空庭人馬報平安夢回非想天  
中界身是無懷國裏官桑甚青紅鳩頰洞麥花開  
落雉躡躡好班嘉定中興詔盡與蓬婆滴博看

龍州麩金丹砂到官後民告所得倍於  
他時喜爲賦詩

乳到零陵竭珠辭合浦行地非慳所產人自晦於  
征砂粒層層長金麩點點明盛衰非自爾利莫與  
民爭

七夕

黃姑織女萬古心脉脉欲渡銀河深有齊季女起  
拜月綠髮一縷蒙金針眼明志針如志鵠針髮相  
投如破鏃回身拍手笑迺翁字大行踈燒矮燭

夜坐

公退不妨飲夜涼猶未眠瓦檠鳴落燼鐵鼎濕霏  
煙露葉悄相煦候蟲謹自煎白頭行萬里轉眼過  
三年

雨

夥頤秋後雨暝些晚來涼夾市崩崖赤環城漲潦  
黃隨宜梨栗熟蒲意黍蕎香白鷺追紅鶴歸飛作  
箇忙

○范漕仲武季克雲坡

西來一鶴山澤臞春風六轡閑且都公餘鏡月晝  
陰寂睡起手校羣芳圖海棠酣透燕王邸豹血深  
染重氍毹昌南別派更奇絕豐容靚飾香生膚牡  
丹鼎盛漢川譜行輩近許天彭俱翠微盞葉光照  
路馬上秦虢湏人扶鳳州楊柳足佳思苒苒百尺  
清流蘇黎州菊華抱勁節濯濯一丈黃襜褕老成  
典刑識茵桂晚出姓字聞珊瑚石蟬風味更清烈  
比屋梓益梁夔巫豐年樂事與民共浣花尋勝時  
騎驢珍葩異卉價如玉爛買西產歸東吳雲坡手  
種五色錦徧地步障金谷無花光深處澹容與碧  
瞳如水霜髯湏公家鷓夷老僊伯功成始去浮江  
湖中原赤子未莫枕而忍獨樂盟鷗鳧見湘江之西  
勒浯石瀚海之北封狼胥歸來岸幘坐想雪太白  
萬里峨眉孤氣平德全紀渚子宇定光發南榮赭  
不隨造物共流轉玉立堂下松千株

○官舍見月 三首

山如天目高水如天目急明月如鄉人不速推戶  
入問月從何來天梯幾何級辛勤度參井萬里遠

相及碧透銀河乾清浸玉宇濕穆金無限波斂澹  
手可吸螢駕風葉遷蛩枕露梗位邊秋徂年悲匣  
古銅華澁稻畦抱甕灌茅屋索綯茸月兮隨我歸  
買酒共君吸

叢山拚一罇碧天大如甌更遲蹇予月涼速老我  
秋常娥八月去歲往應白頭縱得大年藥能禁古  
今愁廣寒正愁絕更照雪外州些招肯來否赤酒  
和糟笏庭下雙梧桐露重風颼颼採實當剝茨蟻  
珠麗瓊舟頽然徑奏床不問月去留夢中識歸路  
戲綵兒伊優

月行鬱羅天終古同此輪死魄復生魄一點存者  
神我來萬山底舉眼無似人惟月獨知我寂歷常  
相親而我亦知月愛其日日新今夕自今夕不踏  
昨夜陳涼邊蔗境佳靜裏大羹真卻書對月坐掃  
空翳根塵絡緯無寸絲軋軋夜向晨路晞胡不歸  
貂裘弊蘇秦

酬程嘉定楊漢州見和 三首

詩禮推徐徐律令符急急翛然世紛遠愛此山斗  
入政無勸課條功茂捕虜級尺清蓋丈渾過眼秋  
已及濁暑怯中乾積潦窘下濕脫雲得佳月如渴  
快新汲溢浦琵琶語赤壁洞蕭泣斯人不可見庭  
空漏聲澁我榻夕欲下我堂日已暮儻有謫仙來



涪江和月吸

六州鐵鑄錯四海金為甌興亡幾變滅明月長清  
秋憶從黨禍起中原墮旄頭月行九霄上安知下  
民愁年來月食昴坐復山東州洗眼看太平典衣  
辨芳芻流光濕沆瀣散影涼颼颼老子興不淺倒  
盡藥玉舟爲言漢太史甘心周南留不願臯朔間  
蓄之類俳優

揚侯坐方丈手轉大法輪程侯客西堂機鋒圓而  
神兩峯峙寒玉出語驚人如彼水中月可望不  
可親春從鴈橋別幾見半破新魁磊孰與吐欲就  
重華陳攬篋貫薜荔初服修吾真木蘭飲朝露洗  
盡胷中塵誦君明月詩逸氣凌王晨可能坐天祿  
辛苦著劇秦

○ 又次程嘉定 三首

鼎戒少汁熬琴忌大絃急人惟廣斯胖道亦巽者  
入身行棧百折目送塔九級今是覺昨非與過寧  
不及我池魚洋洋我牧牛濕濕何能苗助長但勿  
井多汲硯蛛清曉冰瓶笙永宵泣炊晏兒謹嗽釀  
惡婢羞澁家山薄言歸田舍隨意葺君看十八侯  
誰數達與吸

車騎空朔庭樓船下東甌風雪鬧鵝鷺壯士得志  
秋青萍玉櫛具白馬金絡頭賦君古戰場鬼哭燐

火愁元戎得君來如得范慶州厨酒不待熟夜半  
呼兵芻君言蜀赤子風雨寒颼颼願爲大茆屋莫  
作偏重舟元戎一笑領君更三日留吾聞喜不寐  
好善天下優

弈秋善爲弈輪扁工斲輪技惟進乎道志乃疑於  
神渺渺誰之思彼美西方人襟度傾蓋舊風味千  
里親世熟血氣老年移鬢髭新謂我尚可教語言  
去其陳雲開巖石面月寫梅花真竚立望弗及僊  
允幾何塵相從雞黍約尚及桃李晨我舟亦欲東  
贈行爲歌秦

次及甫見寄二首

文采晁無咎襟期李伯時昔爲鈎直鈎今是劫忙  
棋磬谷深無路盤堤薄有基程辟武階教官廣文如我冷  
兩地四愁詩

燕頷非無相鳶肩會有時三薰珍敝帚一笑玩征  
棋松菊吾家物衡茅厥父基青峯簾獨捲細和式  
微詩

次費伯矩護印道中韻

合着絲絢侍建章却隨靴袴踏蒼涼燈前針線爲  
誰好鏡裏黛鈿如許忙野水無心鷗等伍秋風有  
味菊顏行到頭靈運終成佛妙境須聞戒定香

生日口占

霜露剛氏道侵尋五十翁相逢多郢瘿自笑亦龍  
聾同官多聾黍甕新醅綠丹爐宿火紅斗杓明建子芸  
荔又春風

王火井見過先以詩寄用韻二首

自期東里先生似恰與西龍道院宜  
榭葉蕭蕭騷秋入畫梅花的皦月供詩盟  
鷗誰是知機早歎鶴吾猶決計遲歸去來  
芳松菊在故山毋用費文移  
故人寒踏龍門路來聽深山唱竹枝半世向人長  
落落幾回於我獨竒竒淡交似水有餘味薄俗如  
雲無定姿一點青燈俱白髮相看不語只心知

送曹瀘南赴闕

聞之善治水不與水爭勢順流導漢漾徐當過三  
滋又聞善登山不與山爭力緩步出朝陽晚亦到  
崧極展也曹瀘南所學見所履致身以登山應物  
以治水幾年蠶叢州歸問長安道巴船五百料太  
半外省草白駒在彼谷桑扈鶯其領人物方眇然  
惜此尺璧景踈梅耿絕碕飛夢隨去槩索著為占  
之聖功得蒙養

薺餛飩

嫩斲苔邊綠甘包雪裏春  
蕭家湯是祖東叟餅為鄰  
混沌函三極冲和貯一真  
日斜摩腹睡自謂葛天民

○ 羅浮高壽崔制置

羅浮高哉四百四十有二峯三峯最高拔起金芙蓉  
耀真洞天鎖溟濛鰲背咫尺蓬萊通璿房瑤室  
深玲瓏霞袿霓紛丰茸中有老僊擾白龍藕花  
冠中九節筇招邀茅盈挾赤松麾訶列缺鞭靈籟  
天雞未叫萬籟空夜半喚出扶桑紅下照萬象方  
屯蒙起踏斗柄呼東風夫胥雲氣低葱蘢海若吐  
蜃天投虹前旌招搖導祝融從以五色騎羊翁蒼  
舒檣戲伯虎熊風后力牧常先鴻日用大學心中  
庸暗室屋漏十日同夏璜薦縑旅大弓太族爲角  
諧函鐘日星宗彛映華蟲江河健帆轉蒙衝慶曆  
元祐諸儒宗立朝直聲摩穹窿真卿長孺誰爲容  
白頭萬里行蠶叢清獻清節乖崖忠太平盛時適  
其逢事有至難莫如公表裏壞證阻且訐參苓溫  
平匪砭攻潛瘳膏肓夷疽癰三邊按堵九扈豐祥  
飈甘雨天爲功趯趯和樂躍阜螽沾沾喁晰瘖寒  
蛩雪山不隔黠續聰袞衣繡裳遄歸東天津疋馬  
兩玉童袖䟽入奏明光宮中興規模舊提封直北  
燕薊西崆峒功成跨鶴追葛洪神光炯炯方雙瞳  
金丹寶訣傳枕中負薪汲水長相從

○ 張太博亨泉

古人以木爲井  
義立發而得之

公家老博望手斲扶桑根騎之泛溟渤飄然沂崑

崙直到析木津細問黃河源玉繩澹碧落機杼閑  
天孫北斗可用挹槎腹窪爲樽獨携天一水從乾  
納諸坤梧桐九秋影苔蘚千年痕媪神發深閼泉  
冽槎猶存爾泉以亨字是亨本於元世人重通塞  
祇就利處論習坎維心亨中有真胚脾木上有水  
井何嘗以亨言泉於性中汲畫向象外吞安得跨  
黃鵠往款君平門

廷邁留少城和初入西龍道院詩來用

韻荅之

雪錦樓高眼易寒春風朵朵似長安終年避事寧  
爲客到處尋詩勝覓官金鑿落邊櫚蹀躞玉象差  
裏舞蹩躄華燈變盡歸來晚回首西倍可忍看

夕有  
變燈

送范漕赴召八絕

太平宰相范堯夫曾駕西州使者車雅操清規公  
更勝委蛇退食一編書

淮頭蜀口幾虺隤百戰山川入眼來行伍姓名傳  
歷歷定知水鏡不遺材

急符喚出雅州丁刀染紅巾血雨腥定蜀論功誰  
第一茗山合着後溪銘

走卒兒童口是碑百年幾見好監司浣花鏡月經  
行處草木江山亦去思

嘉州過盡又涪州到處頃判十日留  
汲媪奮翁遮道拜東風未定莫行舟

匹馬西征歲月多蒼頭引鶴共婆娑  
傳聞虛佇如清獻益漕歸來徑上坡

天道頻年說好還到今胡塹沒天山  
延英爲奏平戎策只在人心國勢間

紅絲步障海棠開底似西湖半樹梅  
要試平生調鼎手安排青子待公來

被檄出城

引卻東風鬻粟聲竹輿如斗作春行  
山中祇恠天能窄棧外方知地本平  
黔袂煉菴斜屋小貧憫陶

礦亂砂明終年一飽難如許愧爾爐熏管  
次李綿州和丁興元韻 二首

燕寢深凝自在香蒼髯扶病玩流光  
桃符曆日又新歲粃粃焦糟非故鄉  
燈影參差棋濺雹酒行雜還劍橫霜  
武侯遺憾誰當洗夜半銜枚入鳳翔  
梅花已是隔年香投老何能面復光  
求則得之青粃飯歸斯受矣白雲鄉  
果柑微似溫生乳閩柿多於處着霜  
扶起東南風物夢舉觴目送去鴻翔

劍外驢

苦甚淮南馱嗟哉蜀口驂護身機結鞵  
防口竹編籠遠近關梁接高低閣棧通  
琅璫鳴鐸裏誰識木

牛功

潭毒關

倚天翠壁夾黃流，偃僂嘔啞輓上舟。今古英雄愁絕處，夕陽籌筆驛東頭。

○送崔先生東歸

嘉定甲戌冬，掃門古楊州。一見握手歎飛黃，厄鹽  
輶士憂不聞道，勿以窮故憂為聖。為賢人所貴，天  
爵修萬卷。我有莊子肯從我，游良農不輟耕。嘉穀  
終有秋，動心得曾益。雪案三年留一朝，推使出西  
風。着塊牟莽蒼淮月冷低，迷汴雲愁正抱虎兕寢。  
孰脫鷹隼韝，越在歲執徐。公來殿西頭，廷玉翠

從喚起驂玉虬，暑發采石磯。寒登籌邊木孤燈  
中夕民瘼何當瘳，明年護全蜀。後車旅故鄒，熟聆  
老規模。劍須鑄知收，中間畀一麾。牢關控西涪，相  
望幾何驛。時許聞成謀，積誠泮羣疑。實踐激衆偷，  
風濤澎湃中。竟濟師德舟，主人永終譽。客亦無窮  
休，見謂汾陽門走卒。皆王侯，騎火明桃林，詔催告  
辰猶仍挈舊司馬，入詹翠雲裘。裏江水齊穩，一葉  
隨沙鷗。道重富貴輕，目光送羅浮。竿頭要猛進，壺  
尾毋浪投。此意造物知，筮得素履幽。十年甘苦客，  
從我宜如由。可歸猶未歸，魂斷揚花洲。六經孔孟  
學，其用為伊周。天方昌斯文，敢告司鼎籌。

次仲禹迂叔禹西歸韻二首

坡穎風流幾許年，依然夜雨落花邊。  
白頭故媪金志轅，紅頰諸孫衣解牽。  
聚鴈沙平江百折，養鵝水暖柳三眠。  
行厨洗玉更爲壽，父老來看許近前。  
萬里春風一札書，錦幢繡旆二難俱。  
殷紅荔子武侯渡，深碧藕花房相湖家慶盛於羣。  
玉府身名榮過執，金吾人生信是團。  
藥好我亦歸謀種芋區。

○壽鄭制置

昆丘侍郎南霍僊，身騎於菟雪毛韉。  
芙蓉結旌紫雲導，望舒參乘豐隆鞭。  
晨朝東華天帝所，班在玉斧茅盈前。  
帝袵下土沸螳垤，往哉爲洗。

紫五色枝拂日，蔚藍一碧壺藏天。  
祥飈

下輪困旁蕙煙，非煙泰山喬嶽氣。  
轟轟長江大河，曾淵淵五三六。  
經濟世學盡得慶曆諸公傳，絲絢勸踏龍尾道。  
王轡直上羊腸巔，印方趣視已走敵。擔未及弛，先行邊。  
黃牛皂郊撤戍堡，左洋右沔明屯田。規摹了了入眼底，奠而後發矢脫弦。  
長安可到只十日，祁山不出今幾年。甲申有讖爲公設席，卷關洛趨幽燕。  
命珪相印明騎火，碧瞳黑鬢宜貂蟬。槐龍不動晝陰永，瑤草無際春風妍。  
蒼生元氣秋葉薄，善類命脉遊絲懸。保茲天子屬山甫，願獻大雅烝民篇。



讀書樓二首

流水青山一榻深，銅柯石榦半窻陰。公餘點校七分易，老去服行三字箴。消長乘除觀物理，存亡操舍驗人心。日長大得官閑力，乳燕鳴鳩盡好音。引卻蜂衙一事無，求師尚友聖賢俱。激昂意氣空興頌，收斂身心太極圖。畚火明邊飢虎過，渡船聲外老鷓呼。江南雲水寬多少，萬里深山着此臞。

發龍州

六月十六日

涪山信有靈，送客六月雨。曉行如深秋，午憩無點暑。

泥溪兩首

沙路緣江曲，斜陽塞輪明。晚花酣暈淺，平水

大書

輕喜蔭時休。駕疑昏屢問，程誰家剛齊。餅味過八

珍烹

左計來行險，強名爲愛奇。一家川荔苴，三頓豆豉。其壓架龍門，石撐囊劔閣。詩扁舟歸計足，不問鰓和龜。

荅及甫見和二首

喚晴山鳥滑，辟暑水花明。蜀隸綿猶重，吳儂葛自輕。交情潘接魏，師法尹從程。鵝鴨堪供客，多煩物項烹。

我愛湖南客，從橫正復奇。短裳甘製芰，破釜懶炊

真憤世惟堪飲憂邊不到詩最憐孤寂甚欲爲喚  
羅龜

唐何循吏廟

阿姊雲鬢融翠翹主翁縞髮明金貂軍功告身博  
一粲嬖奴銅綬華臀腰有民有社桔栢渚腥風怪  
電騰炎燦望青採木起生廟奴主分席城狐驕延  
年國釗怙女寵無此土木丹青妖居人側目路人  
指把炬睥睨桓宮焦維唐益昌有循吏身代挽  
寬科徭婆娑棠芾蒲江許不與霜後菰蒲凋邦人  
扣縣合詞請撤彼衬此安羣竄青袍角帶儼如在  
雲車風馬手可招前榮後寢曼且碩庭容百馬

虎簫龜蛇琢鋪闕煙燎衛卒拔劍垂彤昭去

火幾百祀叢廬風雨寒蕭蕭眼前突兀忽見此天  
實假手金屋嬌吁嗟勢來不足恃秋雲變滅春  
消桐鄉丞嘗麟閣畫未省隨手遭人祧君不見  
原清獻楠新繁衛公栢蒼榦合抱干雲霄萬牛拽  
倒斫廟柱售諛薦佞喘獨矯只今還有楮錢肯向  
荒庭燒

楠栢皆託言大風所  
拔採爲成都生祠

先妣忌日發昭化

短棹橫秋桔栢磯青山無盡白雲飛官三年矣母  
安在天一方兮兒欲歸拱木陰陰閉墓隧背萱寂  
寂老庭闈呼兒掃驛陳遺像杯酒爐香淚蒲衣

答贈劉交代 二首

危棧摩千仞牢關護一窩山巔閑地少溪面白雲  
多晝永琴書樂年豐鼓角和官清誰得似祇欠客  
經過

番上松扶塞逢迎桔栢碕高風挹元祐遺事說開  
禧丹鳳崗頭味蒼龍洞口粲秋光無限好管勾費  
新詩

僊鶴樓避暑

孤塔山光寂危樓岸影斜秋聲來木末客思蒲天  
涯離列高低樹滄茫隱見沙夜涼人被酒乘月快  
子家

次韻張提刑方送行六絕

着破征衫欠再逢三峨九頂夢遊從也知造物函  
深意未放西南易道東

伊川去後幾多年道在離堆沫水邊身任茲文戶  
着力莫將人事屬之天


扁舟觸熱下涪忠肩聳無人肯拍洪詩送涼風天  
外至魚龍起舞浪花中

太白嘗嗟蜀道難少陵欲鏃劒門山何如推起蓬  
窻看萬里江天碧鳥還

了無蕙苴可囊珠解事家人氣甚都日試西川煎  
茗法半投白盞半雞蘇

雲邊江樹作離聲  
回首秋光落渭城  
蜀水吳山無間斷  
只應明月識人情

平齋文集卷第四



平齋文集卷第五

詩四

次楊瀘南以前區字韻送行



水穩風涼快長年  
歸帆東指白雲邊  
落花款段兒能御  
薦草烏捷手自牽  
蜀口戍兵誰飽飯  
淮頭編戶幾安眠  
野人只願羣賢進  
輻湊良籌到上前  
萬里來鴻未有書  
社前歸燕與人俱  
漲痕落落後杭  
巫峽風力高時畧  
太湖深愧平生嗟  
靖節一斤天下望  
夷吾延英入定中  
興業早震天聲到  
鬼區

岑公洞

洞從開闢有翁獨  
擅真清磴古蒼苔  
齒巖空細溜

明誰刊新即事盡剔舊題名太息今猶古江山不  
世情

開濟堂

魚復平沙漲夕陰紅旗影底老蛟吟窮今亘古三  
分恨托地撐天一寸心過雨斷雲閑絕壁涼風歸  
鳥急平林江山難着醒時眼有酒如澆放手斟

東屯

犖确嶽岑轉百盤峽天深處得平寬秋風策策藤  
花老暮雨蕭蕭稻子寒仁者樂山心本靜碩人在  
澗體俱胖農家不解詩翁趣只道豐年了納官

高齋

江濤行厨轉關頭細路過手摩如象石目送臥龍  
坡駭麟雲端栢鬚鬢雨後莎晚來晴更好舟發亂  
山阿

中秋秣歸岸下

出蜀趨吳第一州夕涼隨意繫扁舟十分人鮓甕  
頭月一片水晶宮裏秋夜氣長存號老鶴天機自  
動舞潛虬得歸到處皆佳思不問西風解白頭

懷程及甫二絕

撇瀆梢涸穩下舟狼牙鹿角又黃牛兒曹脫險謹  
叟甚數到家山十二州

石馬門前萬里迴向人似亦笑顏開獨尋舊日題

詩處却恨騷翁不共來

獨醒亭

今來古往江山老地盡天窮草木愁為問大夫能  
飲否芙蓉落盡菊花秋

溫泉院 二絕

老火欺人客路長艤舟取次浴溫湯犬鳴三峽夜  
逾靜月上四更天始涼

神虎護泉寒翠壁靈虬吐沫暖冰壺玉環不碎征  
塵裏更引三郎到古渝

劉家江阻風 二首

動地千牛力行天萬馬聲溟濛迷太極浩蕩送平  
空夢與屏幃兀心隨簋缶傾黃頭多着纜作止位

三更

歲月孤槎轉風波斷梗隨謝三元自慣巽二莫相  
欺沙岸往來拍蘆林開闔吹欠伸呼斗酒一笑酹  
馮夷

千竿夾

方雨江流紅未霜蘆花紫寂寂遠帆來拍拍晴鷗  
起

包港風濤 二首

彌百丈幾牽掣斷鐵三脚已撼搖浮陽侯戲劇何  
須爾身世從來等一漚

顛風立海雷轟柁駭浪翻天雪壓蓬夜半乘龍酣  
戰退一奩冰鑑本來空

寧宗皇帝挽詩二首

虛己堯黃屋清心漢弋綈乾符開太一坤軫拓全  
齊鎮國天球在賓空寶仗迷歷年施澤久四海哭  
遺黎

德粹三靈接功成萬國雍方培豐水芑忽跨鼎湖  
龍廟號追文考陵名冠世宗微臣趨覲晚灑涕續  
車攻

送章君範之湖南幕

天門孔鸞起江晴荃若春親榮知有子主勝信

賓嶽麓盛古學衡山多秀民平生金玉質更看濯  
磨新

寄題成都張宰壓雲樓二絕

清霜戒曉日將出急雨報晴雲乍開庭下簿書渾  
引卻獨揩雙眼上樓來

氣如軻也生於義道似參乎任以仁乾蓋坤輿猶  
塞破何難壓倒玉嶙峋

送杜陽安奉親還蜀二首

訪落方勤止而翁苦掉頭立幾遺世獨行盍爲王  
留日月馳雙轂乾坤寄一舟勿緣歸計得忘却緯  
邊憂

買我歸吳棹揚君汧蜀旃雖五萬里別端有一家  
綠臘雪添新漲春風減舊綿江山隨處好橫槩小  
留連

和高續古省中雪

升平見一斑未臘得三雪天開銀色界人立水晶  
闕小團醉後煮清夢梅邊說莫道石渠春不似山  
陰月

省中和何子溫見寄

東風婉婉燕來雙禁漏無聲萬綠香寶鴨炷雲朝  
太紫玉蜍挹露校鈿黃聖賢不斷千年脉宇宙長  
存一點光老鶴也知虛靜好夜深踏月上脩廊

和何特夫見寄

人從萬里蜀天歸御柳藏鴉絮又飛風細爐熏活  
穗直日長漏箭出花稀九重旰食圖無逸四塞宵  
征賦采薇愛國書生心更苦夜占列象候璿璣

送秦祕監還蜀二首

岷峨人物古淮海姓名香識面歲華晚論心春晝  
長有懷胡去國無媿好還鄉呼酒犒三老柁樓天  
正涼

蜀產班行幾分符又去之氣宇吞落日心定發涼  
颺蠅虎攫何壯蝸牛升更癡見幾能許早別思渺  
江離



送張行父守贛二首

覺是聖賢脉復爲天地根典刑諸老盡文獻幾家  
存露下鶴先警風高鴻獨騫一時京洛價知有魏  
公孫

南斗一帆外西風千騎頭莫嗟中落落頃感上休  
休賈誼詞林曉陳蕃墓草秋經行拚斗酒爲浣古  
今愁

送客一首送真侍郎

風雨寂歷蘆荻秋梧桐落盡斜陽收孤鴻影斷蒼  
莽外愁絕送客濤江頭客心恰似濤江水夾岸  
沙潮不起海門一線拱觚稜無聲夜到龍山尾

雲壓江秋陰陰千古送客非斯今有酒可別不  
斟天平天平知客心天平天平知客心

和續古蜜木

參桂齊名骨自香百花釀醕助甘涼含金咀玉風  
標別消得肩吾爲發揚

贈小兒醫

忍飢覓句孟東野守寂草玄揚子雲囊有遺書無  
與讀兩家恨不早逢君

和續古謝送墨

黑月鬣雲脫太清海風吹上筆頭輕瑣窻冷透芙  
蕖碧定有新銘到九成

題鍾春伯所示周昉明皇對弈圖

寶欄十二午陰移，思入雲霄落子遲。  
當局早知提醒着，危機應不墮蛾眉。

乙酉六月十九日應 詔言事九月一

日去國一首

黑風吹雨出長安，破帽騷騷怯暮寒。  
不得之乎成一事，却因而已失三官。  
人心天理推詳易，世路交情點檢難。  
白髮老人經事慣，教兒只作博投看。

丙戌天基節自至道宮趨寶福院寒甚

朝謁千秋節，攀援萬歲藤。  
山明松戴雪，澗澁石懷冰。  
清壯髯還戟，酸癯面亦稜。  
暖寒能破戒，珍重

溪僧

大人用韻再一首

靜裏栽梨棗，閑邊話葛藤。  
綠塵還我雪，世態任渠冰。  
宿卉芽渾脫，新禽語摸稜。  
年華催鑷白，自笑禿於僧。

乙酉歲暮有感 三絕

罷參歸趁日高眠，隨意繙書不計編。  
歲事從教催白髮，春風元只在丹田。

精神收召入腔來，水色山光面目開。  
可惜行窩新失伴，雪晴未忍說尋梅。

樽酒團欒里，社情眼中忽不見。  
公榮祇應天體如

雞子地下人間共月明

時疇甫  
初遊

敬和 大人新年韻

井渫得泉終必食，睽弧遇雨更奚疑。  
毋庸伊尹要三聘，且學顏淵克四非。  
勢去鐵鞋無處覓，志亨金印有時纍。  
梅花結子桃花發，爛熳春風醉典衣。

梅

寒瓶虛插一枝斜，留待春風放霽華。  
已信不冰方着水，可憐欲槁更開花。

繁芳玉立夾胡床，勾引春韶午夢長。  
有眼盡迷空裏色，無心方識定中香。

又

竹屋茅簷一樹斜，冰霜意氣蓋韶華。  
有餘不盡冰知道，半已青青半尚花。

桃花紅豔照銀床，黃入金明柳線長。  
欲與晚梅相輩行，同時到底不同香。

挽禮上人

盤屈虹蜺氣空山，老白雲酒因陶令買。  
芋為鄴侯分甘露，門知味毗耶藏著勲。  
南軒無復見巖卉，自清芬。

和開之社日

夕要來新燕簷，花法曉霏治聾憨。  
舅醉廢讀情孫歸，鶻突輸羸局醒鬆。  
脫着衣一簾春寂寂，誰解識。

吾機

春事

莫爲春愁兩鬢翁，管愁元不屬春風。  
深黃楊柳夕陽外，淡白杏花明月中。  
大自在，身天地，並妙光明。  
性聖愚同，鳴鳩乳燕，相料理，融得從前萬慮空。

寒暄不齊

二絕

社後歸來燕兩三，門前細柳綠參參。  
乞將蝴蝶蜻蜒扇，與試鵝黃水碧衫。  
次第新烟欲試茶，錚錚飛霰響簷牙。  
惜春苦欲春長在，且得輕寒約住花。

敬次

老人即事

韶華九十恰平分，過化中存一點神。  
草脫燒痕韭故色，梅收花事又新人。  
正襟危坐三靈會，擁鼻長譟萬象賓。  
酬荅風光惟辦此，可能春夢到天津。

清明

二絕

梨花匝匝不見葉，柳穗玲瓏初欲綿。  
寒食清明等閑過，日長翻覆壓書眠。  
風將好夢到蘭亭，驚覺虛簷九子鈴。  
老眼醒來無着處，倚樓檢校樹頭青。

次韻西塢道庵

芳蹊幾曲重行行，塢裏曾陰塢外晴。  
秧馬鬚鬚和雨種，犂龍菌蠢帶煙烹。  
黑風動地前程暗，白日行

天內景明却愛道民無別解一杯春茗雪花輕

雪歎 二絕

唐時三月十八雪况復今年多一旬萬紫千紅渾  
過盡茶蘼蒲架與爭春

桑穎騷騷麥又萎雪花如椀雨如絲老天只解苦  
黔首快活貴人那得知

桂子次韻贈阮甥

一樹青青桂子榮廣寒宮殿玉爲楹不知天上何  
年墮故使人間有種生風影碎搖籤帙爽露華倒  
洗筆頭清寸田更與加培埴收取天香染姓名

次韻雙桂

物理無枯底有榮一雙玉樹倚脩楹長如拱壁天  
球在元共交梨火棗生下築地連盤谷勝賦歸人  
占小山清晝陰最喜添新綠時有佳禽自薦名

閑居

暑設青練幕晴更皂葛巾家貧猶氣象人老亦精  
神蜂鬧花生計蛾翾繭化身靜中觀物變同是一  
天真

鍾惠叔轉示趙臨安兩山堂諸公詩刻

隨喜二首

兩峯高峙玉五畝秀含滋細柳未眠種脩篁方醉  
移雨將雲出谷水引月歸池動靜天機密何人共

一卮

采頤常逐逐觀復自休休靜畫青竹笋深春黃栗  
留覺圓熏穉直夢破茗華浮為問連山易床頭好  
在不

燕巢

華堂橫架晴虹壯來鳳結巢長一丈中間顛屨顛  
樓勢兩旁坡陀翼城樣相攸爾居莫此樂得意鳴  
聲相下上同時啐啄三四雛盡日往來千百餉欲  
飛未飛翅羞澁似定不定跂搖漾施施引趨女墻  
行戢戢教升危堞望黃金鑄印分裏有何用芹泥  
呈瑞象 常親主人長健燕長歸但願春風不相放

浮溪周居士挽詩

野水崗頭屋春風竹裏厨所安仁者靜其樂道之  
腴遺逸盍徵詔耆英空畫圖詩書根氣遠叢桂蔚  
相扶

次韻子有賦著圖書所

富兒種卮敵封君貧翁結柳呼奴星物理斲盈蛇  
夔虺惟有讀書可以逃天刑守玄老死天祿閣巧  
宦三入承明庭人生得失雉梟盧惟有知道可以  
垂芳馨嗟子鈍甚爐底鑛陶寫淬濯誰為研買書  
充屋手點勘杞菊門巷槐花零九流七略宗六經  
大川小澮趨東溟騷人墨客幾汗青秦姬趙女爭

嫫媸聖賢氣脉眇如綫義理門戶元無扁圓冠方  
屨弗見道金貂玉欄空圖形君年正壯眼如漆一  
過萬字披不停借書一瓶走赤脚燈前急雨鳴高  
瓠扶輿磅礴天兩目溇蓄雲氣藏風霆鈎深造極  
猛着力會插八翼搏青冥

九日

老無擘畫笑柴桑兩眼惺惺菊自黃渠更笑人無  
菊把拒霜相對過重陽

荅子有

裹飯無人過子桑拒霜一徑雨昏黃花根記縛西  
湖纜紅淺紅深醉夕陽

夫容

向背有深態纖穠無定姿最憐花脫後全似蕊包  
時

荆公

君臣一德盛熙寧厭故趨新用六經但怪畫圖來  
鄭俠何期奏議出唐堦掌中大地山河舞舌底中  
原草木腥養就禍胎身始去依然鍾阜向人青

冬雷行

三月廿八雪十月十九雷日官起歷失氣朔深春  
爲臘冬爲梅衣巾暄淑糝白醜研席昏濕凝青埃  
堦頭蠹臆上未已陣陣送雨千峯來水鄉種早場

已築山鄉種晚鎌方催漏天未信解晴否低田芽  
茁高田摧老農一飽不自保愁面百摺何當闕君  
不見太史局申十月雷麥成堆

送郎丞文炳之桐城

江北江南雪意催半酣椎鼓起征旆銳從猿鶴歸  
休去剛被功名引調來破虜檄傳肥水定屯田疏  
上皖陂開筆端矍鑠精神在莫只清吟伴老槐

奚左藏士達挽詩二首

理學不遠復躬行毋自欺志雖千萬往材僅二三  
旄花竹觥籌密雲山步履遲眇然人物裏公竟止  
於斯

諸老定交早羣兒驚見稀功名身韞積翰墨世傳  
衣龜壽前占夢鷗盟晚息機吳頭耆舊盡搔首送  
斜暉

次韻可庵梅

點雪非耶果是耶紫千紅萬未曾芽蒼苔有暈龍  
鍾樹幽谷無人自在花地暖孤鴻來索伴天空雙  
鷺下通家詩翁快整春風脚山路霜泥踏馬牙

印杖次韻

槎使携歸餉老人高稜踈節屈中伸撥開豺虎憑  
陵氣攝取蛟龍變化身訪洗頭盆還喜健伴行脚  
立未嫌貧一般仙骨清如鶴倚看滄溟解起塵



疇甫叔挽詩二首

南渡幾年裏深山誰力書獨君酣百戰許我丐三  
餘參斗明燈燼湖江渴硯餘斯人猶不第天理竟  
何如

撰屨西山路尋春得重陪那知分手去不作轉頭  
來寂寂雙溪雪依依半樹梅經行陳迹在橫涕濕  
蒼苔

夢中和人梅詩山礬韻

溪路槎牙木葉乾角聲吹動五更寒踈踈梅蕊踈  
踈雪一段生綃不用礬

又用韻

竹外橫梢半欲乾透香肌骨不勝寒定知天上梅  
花腦不比人間柳絮礬

聞山陽夏全之變

洸湟私牘舊開邊淮楚依然樣子傳抱虎寢蛟心  
不保護疽諱蠱禍相挺河流三舍盡人血城闔四  
門無竈烟昨夜洗兵盈尺雪華夷齊賀太平年

丁亥歲朝把筆

雞喚璇杓一夜東長天紺碧靜無風年華老子懽  
娛裏春事兒曹翰墨中脫雪薺芽盤釘綠晞陽椒  
蕾酒行紅赭袍親上慈明冊正想千官會漢宮

三日兄弟侍老人展墓歸和尊韻

雲淡風柔霽色輕  
瀧岡阡上氣和明  
莫思舊日遨頭出  
且試新年便面行  
飽飯即爲君子泰  
濁醪不失聖人清  
一翁二季春無盡  
更願諸孫向老成

次韻梅影

白玉堂前絕世容  
水晶簾薄透重重  
非僂非鬼樹明滅  
似夢似眞花淡濃  
鞭照晴波添縹緲  
佩搖寒月欠玲瓏  
一番青子成陰後  
却笑癡兒認舊蹤

春雪

甲子乾飛雨元宵  
濕隕星風柔行陣  
陣月淡下亭亭木  
筆侵凌碧來牟掩  
映青東皇收拾急  
暖漲赴滄溟

招隱三章贈李洋

自號同初子

雲氣歛兮天目之顛  
濤江綫橫兮海門濺  
濺扶桑子半兮陽烏  
翩可俯而掬兮嚙以  
天井無聲之泉子其  
隱乎吾與子兮拾荃

雲氣冒兮天目之趾  
疊湫歎薄兮洞石齒  
齒列缺正晝兮睡蛟  
起可仰而擾兮浴以  
天河倒流之水子其  
隱乎吾與子兮采芷

雲氣吐吞兮天目之腹  
乳潭沉沉兮鴨潭煜煜  
徐伍朝往而暮來兮  
雙碧鹿可挽而舞兮  
侑以天風步虛之曲  
子其隱乎吾與子兮  
蒔菊

次韻遊龍門十絕

石木扶桑莫苦攀芙蓉薜荔不妨閑封三萬戶煙  
雲裏化百千身水石間

欲訪天池水發源倒騎北斗挾飛僊高低八節灘  
頭路俛仰三生石上緣

拍手東風喚白猿劃開元蓋洞天門可能路指虛  
無去兩脚須留點地跟

蒼崖斗立兩扉開行雨龍歸尚殷雷嫋嫋天風瑤  
草碧神清依舊鎖樓臺

武陵溪上迷津處衡嶽峯頭失道時珍重牧兒相  
指似隔林招手不吾欺

飛泉澗雪林華濕盤石生雲古蘚乾早着些詞招

隱去泰山有賊膾人肝

稻花秋晚蟹洗手薺菜春初錫膠牙築底空山誰  
辦此留君只有石邊茶

不提長劍斬江蛟便揭脩竿釣海鰲縱老無成猶  
自許一溪流水兩山桃

不知我者謂何哉布鞵青鞋日日催長嘯一聲啼  
鳥外朶頤有象著山雷

平明出去日斜回小立巖花澗草隈光景留連非  
我事此心曾點漆雕開

挽阮開之

窮達皆歸命虧成不掛心醉餘便腹睡棋罷掉頭

吟孔雀門闌舊驪駒院落深  
可堪重剝啄寂寂杏花陰

柳

天機日與物華新  
嫵綠柔黃觸撥人  
精采只消些子雨  
腰肢無着許多春  
興亡螢苑迷樓夢  
榮辱孤山麴院塵  
醒眼年來渾看破  
萬緣分定不須顰

杏

萬山築底作春妍  
一樹繁紅直幾錢  
深院日長來燕後  
平池水暖浴鵝天  
弦歌禮樂詩書地  
榜帖功名富貴天  
兒輩對花須自勉  
莫教空惱少陵顛

柳用前韻

苑彼烟絲一樣新  
依然面目我陳人  
只疑大造元無物  
豈料深山亦有春  
盡日三眠渾得意  
隨風萬舞不驚塵  
長長短短亭前路  
肯與渠儂管笑顰

上巳呈子有

隔水梨花豪放盡  
安排鼠耳到庭槐  
十分春事杜門過  
百色老懷中酒來  
聞麗人行頭輒掉  
見蘭亭帖眼還開  
碧衫玉唾醱醪晚  
更倩詩翁着句催

顏延年三月三日率爾成詩前詩重韻

太率可笑

過盡風波灩澦堆  
一閑無夢到宮槐  
迎頭寒食清明近  
入手櫻桃芍藥來  
率爾成詩聊意達  
快然自

正亦顏開期君曲水芳林序花裏傳宣火急催

百舌

飛上三足鳥喚起百舌鳥鼓弄林杪春瀾翻屋頭  
曉氣吞黃粟留勢挾秦吉了向人售嘈雜司物窘  
煎炒轉頭芳意歇噤喙青陰悄

晚食

從來此腹負將軍淡飯投壘現報身三月不曾知  
笋蕨夢魂敢到水晶鱗

次韻茶藤二絕

瓔珞垂垂萼綠華光明淡竚自成家枕幃醞藉風  
流足甘放朝來被底衙

愛春留得瓊英在添竹扶將翠蔓高更着金沙相  
間種主人四壁錦周遭

官採木

深山風雨幾百秋直干雲漢大蔽牛輪困離竒中  
尺度一旦出應天家搜山摧浪壓斧斤下橫亘十  
畝眠蒼虬白頭地主坐歎息物囿於數吾何尤爲  
言此殆有天幸如拔萃渭歸商周棟梁未央坐萬  
乘柱石明堂朝諸侯老翁聞語驟然起致祝切莫  
去作昭陽梳洗樓

楊花

舊雨人無半迹來惺惺獨坐眼慵開却嫌飛絮猶

多事點破門前一徑苔

春禽雜言

倉庚倉庚集谷之茗謂汝也幽而豈其喬勃鳩勃  
鳩有安斯巢矜婦之功不念鵲勞泱泱杜鵑念歸  
何悲豈知汝歸不如未歸翩翩元鳥羣雛相依羽  
毛淡矣同乳異飛負陰抱陽均此一氣孰使然哉  
淒其永懷

次徐雲叟賦桃源無脚橋

經始西風八月秋桃花春漲已無憂橫飛閣道虛  
空度直放銀河自在流倚岸斜看疑是洞循坡穩  
上認爲樓遍行吳蜀今纔識却笑浮橋謾造舟

次韻映山紅

燧人鑽榆出新烟烟光濕雨山蒼然黃鸝怯寒啼  
未語有喙三尺惟啼鵲血流染花不知數赤霞爛  
熳橫丹天前山後山列錦障上澗下澗敷金蓮海  
棠無香許流亞石榴有豔疑姻連目光遠送空翠  
表勝處正在繁芳邊七香寶車果安在東風老去  
空華顛

送監丞家同年守簡池三十韻

去年爲君來明廷峙鸞鵠今年爲親歸蠶市苦思  
蜀扶輿出脩門萬里宛在目大江六月寒風飽帆  
數幅金山如幽人杜蘅繚荷屋采石如壯士鐵騎

明鑿續五老烟光開九華雲氣矗如王公大人冠  
冕而佩玉大孤猶介甚赤壁清曠足黃鶴俠者流  
雋放不容束英雄古荊州霜月耿喬木寂寞三閭  
亭風露落秋菊陽臺峰十二森拱峽江曲高標聳  
赤松絕槩凜孤竹或如漢汲黯抗直敢振觸又如  
唐真卿峻絜不受辱瞿唐灩澦堆一柱軋坤軸潰  
城睢陽孤鉤黨林宗獨水石明邊酌蘋蓼佳處宿  
寬作幾月程迎面峨眉綠世道淡有味人生平爲  
福江山無愧容草木有餘馥試劍信雄拔易簡更  
清沃虎蛇方橫道有此廉平牧相如駟馬貴長孺  
一翁禿明河隔黃姑碧落杳飛鷺獨復即無妄多

識通大畜歲晏以爲期仁亦在乎熟木末老芙蓉  
闌干深首藉郵籤莫厭婁瑟個尉淇奧

浮玉道士琴

老蟾亭午潭澄陰雄虬怒吼雌虬吟空巖納息耳  
應心寫之以神寓之音大音激越風振林細音窈  
眇雲起岑天機不動天和深非虧非成非古今博  
山一點蓬萊沉

山中吟

幽居多暇曠括黃庭內篇賦山中吟  
俾善琴者倚操而歌之

藥珠閑居方作七言琴心三疊方舞胎僊呼吸日

月下上雲烟兮回紫抱黃入丹田一面宗泥丸六  
府主丹元七蕤應兩扉九微徹三關明堂闕虎章  
玄闕森龍幡素衣翠重裏朱帶綠華裙上有黃裳  
子丹兮常在兩眉端欲求泥丸滿直湏丹元存靈  
臺貯清明太極涵胚暉并坎降離凝正一而融三  
五方付之靈堅童子玉池太和官重樓十二環兮  
蘭玕朱鳥白石源兮潺湲專閉御景而握固兮嗽  
咽金液漑靈根胎津溢而琅英飽兮積精累氣而  
成真高研恬淡兮道之園物物不干兮恭而平身  
披鳳衣銜虎符兮控駕三素躡飛霞而升廣寒東  
西兩目兮倚天木陰陰兮泉涓涓一唱三歎兮玄  
鶴下其踟躕八景二十四真兮吾亦不知其然而  
然

損戒 二首

河純行水底志在全其生縋縷激使怒拍浮拾彭  
亨觸來不自制天君失和平懲忿當如山一靜弭  
百爭  
野虞雉為媒穀穀雌召雄陰機發翳綠碎迸錦纈  
紅耳目誘於物顛倒不有躬室慾當如澤涵渟清  
鏡空

引鏡

水白深還黑山黃遠自青紛然無定色何者是真



形不壞只太極長存惟六經莫疑晨鏡裏驚倏換  
星星

苦筭

臨軒解褐賜湯沐一節兩節水蒼玉氣嚴慣嘗志  
士膽格高厭食太官肉此君可人如西湖荷邊冰  
簞三更鋪心知爽快不宜過柰此風月人間無

丁謂

鶴相專朝巧萬般中書位子太山安沂公冷眼旁  
邊看機會來時隻脚翻

欽若獎丁丁陷若謂之厚演演擠丁勢交利合若  
如此說與金陵老子聽

食糟行

龍州石林七斗醪百錢半升官價高村民無分酒  
到吻清晨荷薪爭博糟得糟還家喜欲舞遠汲淡  
煮燃松毛菴糞麥餅澁難下藉此嚙送如葷臊我  
時作守輒自愧每飯釜有羹堪輟罷官兩夏肉入  
務食糟却如住百牢紛綸玉縷芎葱漆晃漾珠滴  
霑麻膏多從未破甑頭餽間入半折鐺中爇王瓜  
未甲蒿苣老芬美獨擅盤殮豪饒奴停匕朶子餒  
一舖七八譏何饗太平無事稱意飽竹床大軒枕  
離騷客來闖戶口尚臭錯疑被酒醺陶陶我亦爲  
言恰夢金絲帳底斟羊羔

五月庚申夢人相拍為馬周且誦詩兩句覺而足之

伸縮一雙手去來三世身新豐驚昨夢斗酒滿懷春

苦笋用前韻

林谷迎梅新雨沐和羹熟煮琅玕玉籜龍別種富風味鱖魚同科少肌肉吾廬兩山介宣湖綠陰門徑楊花鋪攻苦食淡父子俱笑看兩孫拍之無人

和曾

○天象

白氣一抺蚩尤旗南斗北斗天兩垂西方熒惑耀

芒角初月吐魄來食之去年天象已可駭今年天象更可疑春王正月暨三月黑氣幾度摩晨曦鈞盤亭亭慘且淡鐵鉞拍拍合復離沙盆貯水靜照影眼亂兩日謹童兒移時妖氛漸引卻赤光如血鋪庭墀家無占書瞻休咎但効嫠婦顰雙眉昨朝忽見邸狀報詔荅丞相辭公師首言金烏効祥瑞變我愁蹙成愉怡玉堂學士天下選王治有象非吾欺東淮西蜀狗鼠賊看折尺筭從頭答

用虞提刑剛簡見寄詩韻荅之

有美人兮古錦官落花芳草幾憑欄紛紛世故肱三折忽忽年華拍一彈詩到考槃須孰講易於未

濟莫輕看門前尺雪清燈夜尚欲從公扣兩端  
雞鳴而起一般時舜跖殊途覺與迷此理天無分  
厚薄乃心久自眩東西柴門風雨榴花老草巷烟  
霏燕子低玉汝有書來萬里聖賢不忝不栖栖

次韻夏日

乍晴雲更黑頓冷日如青飽飯真成蠹幽居又見  
螢燈光翻露柱琴疊舞黃庭猛作逃儒去沉酣幾  
箇醒

瀑布

白龍飛出翠雲堆不見源頭只見來勢有盛衰  
視雨聲無高下盡成雷誰教河鼓翻將落我欲陽

侯挽取回東陌西阡分港去豐年入眼稻花開

狐鼠

狐鼠擅一窟虎蛇行九達不論天有眼但管地無  
皮吏驚肥如瓠民魚爛欲糜交征誰敢問空想素  
絲詩

次韻高夢

隰蒞照眼似舡窻只欠沙頭野鴨雙花引穉垂丹  
作佩葉扶節起翠爲幢婦收滋味歸羹鼎兒挹馨  
香赴酒缸老我爲渠牽牛夢白蘋風冷釣煙江

示諸兒

徂徠古君子涇渭何太明一女衆稷契詩作奇禍

萌姦人擠之死既死氣未平銳欲剖其棺謂此走  
猶生妻子坐凍餒不斷啼號聲富韓各分俸買田  
活其嬰吾疏視彼詩歷數羣公卿觸怒非一竦舉  
朝眼瞠瞠所賴天子聖不死五鼎烹斤歸天目  
下石田力躬耕田少食指多讀書飢鳶鳴比身不  
足憂憂我身後惇富韓不常有勉哉自玉成忍貧  
知好脩道在困亦亨

續夢

造化有真機寒暑不停軸秋風促絡緯春雨鳴播  
穀一氣臂屈伸萬事手翻覆得牛或貽災失馬  
非福七侯梁冀誅三妹國中族鼎貴正酣養旁窺  
魚肉自古聖賢徒不耻貧賤辱忠信以爲寶  
第而干祿但信命行藏不計得遲速泰極必有一  
剝爛乃爲復一理無間斷九卦要精熟夢起獨忘  
言窻前數叢菊

淨梵僧願蒙堂

山下有雷頤山下出泉蒙主靜山之體養正靜之  
功閑閑六窻明寂寂萬籟空坐觀鼻端白巖花自  
春風

讀漢書

漢衰元帝爲優游成帝荒淫更可憂論說金華風  
過耳山河大柄醉中休

六月二十八日入朱陀山寺

決決巖下泉，條條竹間路。破寂孤蛩吟，送暝疎鐘度。箇裏欲求心，應生無所住。

促織

一點光分草際螢，繰車未了緯車鳴。催科知要先期辦，風露飢腸織到明。

水碧衫裙透骨鮮，飄搖機杼夜涼邊。隔林恐有人得報，縣來拘土產錢。

荅子有

高吟梁甫卧隆中，眼底驚心不足空。清白自將五月濕涼不定六時風，交和柴火棗根苗長翠竹。

花信息通樓外秋鶯強饒舌，笑人逐却黑頭公。

用韻荅游司直見寄

道在皇天帝霸間，古今同是一人寰。不愁垂白三千丈，獨喜飛黃十二閑。晚桂薦花熏鼎古，寒松墮子茗甌斑。山中風味無人會，賴得新詩起老頑。

龍池沙漲

龍徒三湫宅，山飛百道洪。雲車風馬去，福地洞天空。蒼莽渾沙積，崎嶇沒徑通。等閑陵谷變，驚倒白頭翁。

二齋文集卷第六

詩五

秋半聞鶯

木葉青黃幾粟留，盡情啼破兩山幽。  
怕人冷，秋思故作春聲爲遣愁。

夕陽

百丈崗頭路，滄涼步夕陽。  
石芒輕放屨，草莢緊牽裳。  
深紫猴樵熟，疎紅馬蓼荒。  
牧兒良得意，吹笛下牛羊。

讀書蠖室

扁爲攷禪作，侵尋二十年。  
屈伸聊復爾，俛仰故依

然直榻無餘地橫窓不欠一  
焚香長誦罷風雨響

山川

秋山即事

避俗鹿挺走依僧龜深藏淡中般若味定後摩尼  
光壞垣被雜卉爛熳野媪裝叢薄鳴幽禽淒抑怨  
女吮桂謝紅不墜菊繁青已香瘖蟬怯露葉忙蜂  
急寒芳魁芋鶩護乳拳栗蛸脫芒菘蒔壅甕綠粟  
登釀籜黃田父時泥飲樵夫閒談王意適兩賢屏  
神王三仇攘龍耶老聃化風方接輿狂翠壁千仞  
表西風吹我裳

方氏棟華桂叢亭各一首

一忽來百順寸私生萬殊能思根共出自愛鄂相  
扶夜雨平生約春風盡日娛幾家燃豆泣知冤脊  
令無

天上廣寒種人間方寸栽田三和氣溢竇十慶源  
開色閱風霜在香包月露來八窓秋競爽堪覆掌  
中杯

送黎德升出守眉州 伯登

霜隼健毛骨冥鴻高羽翰來遲懷去速退易挽留  
難文物聲明郡中和孝友官大馮棠蔭在多放一  
分寬

同是郾城客對床如弟兄秋風雙鬢改落日寸心

明終古方書在隨時局面更公餘經濟學講貫不  
嫌精

晨起

入夜風收雨遲明暖釀霜人窮髭易白地瘦葉先  
黃繡眼語叢竹畫眉啼斷崗炊烟猶未動吾亦起  
歌商

敬和 老人秋日山行

湍險中回棹寬平處整驂雲峯環六六禪板占三  
三地冷梅枝北天空鴈影南真觀觀自性危坐讀  
書龕

和子有雨中述懷

畏塗險如峽中州蝮蛇倒退猢猻愁熟將義理自  
陶寫麤衣淡飯過即休邇來陽侯橫造業兩泯莫  
辨馬與牛高原低隰半爲壑下潦上霧昏人眸西  
風滯穗可能幾尚作餽粥餘冬謀如麻兩脚未肯  
斷便有餓死儒冠憂惟窮益堅老益壯更式相好  
無相猶縱爲溝瘠亦何憾多少華屋皆山丘環堵  
短褐陶靖節款段下澤馬少游平生耻作稻梁計  
好還渠不桑榆收東家夫子共此約一醉斷送黃  
花爍

尋梅

搖落園林一再霜梅梢葉剝兩三黃蕾紅包裹春



猶密隔墉枇杷得擅香

會心

不是非心佛還疑有漏仙朝聞馳鼓起夜候定鍾  
眠浴少衣偏垢遊多鞵易穿祇將母不敬推倒野  
狐禪

清虛堂六言為淨梵僧作

石澗寒泉霜曉竹崗霽月涼秋一炷銅爐栢子老  
禪破衲蒙頭

挽萬登仕

種德諫議竇處心承事黃池園花竹老庭戶簾編  
香四世環疊絲百年酣累觴紫微身不到丹臺付

諸郎

寄題真相寺遙月堂仍簡禮上人

四持流盈闕八還齊闇明須從心觀覓莫認指標  
生地僻人聲遠山空夜氣清何時煨芋火相與聽  
瓶笙

烏息隱山堂覓詩

未出為遠志出則為小草請看耆闍窟幾年黃面  
老

米積外科僧照源堂

潛山盡頭孤峯薛嶼布寶鬘雲雨玉珂雪中有醫  
禪碧眼電掣人以病求一歲幾闌開方便門出塵

長舌病從心起當從心滅方起於心洶洶烈烈不  
冰而寒不火而熱寒熱交戰內外癥結瘰癧疽瘤  
痼癩瘖瘖湯熨箴砭色察脉切不如治心心氣  
悅如凝斯泮如壅斯決勿藥有喜匪渙其血凡濁  
惡海萬病一轍大摩丘珠一照萬徹是珠在襪無  
有差別名九轉丹字千金訣爲安心竟寒水秋月  
維摩無病文殊無說

至節前一日遊汪茫田

聖主親郊盼蠻通風恬日霽作春容好從輦路聽  
清蹕却向深山把瘦筇樵子徑隨蘿薜上道人坐  
借竹茅封一杯旋煮山泉盪浣盡平生磊砢曾

至日歡喜口號

太平寶慶第三年萬乘初郊大報天恰應漢家辛  
巳日八觚泰時立甘泉

青城轟轟紫壇深碧宇無風掛斗參億萬蒼生齊  
合爪 聖明天子得天心

獨夜

兩窻明月一庭霜佛屋風鈴語夜長孤酌不多人  
易醒九回腸付篆盤香

雪留董景揚

一色凝雲合大和定知宜瑞不宜多飢餐烏昧出  
皆是飽進羊羔人幾何捨地折腰紛岸篠撐天

項獨庭柯留君待放晴光出同步春風十二竈

立雪

立雪窮蘭若侵寒破驕驕雲迷山糊塗冰壓樹琅  
璫甕底茅柴熟爐頭楫拙香樂天隨分足吾欲老  
田莊

高壺隱挽詩

種德黃芽鼎陶心碧玉壺多交天下士幾喚竹間  
厨秋雨涼催讀春風醉索扶忽成觀化去冷落輞  
川圖

山房藏書萬三千卷子有賦詩用韻

門巷蕭然雀可羅藏山萬卷自研磨懶尋玉女

西岳甘伴金僊坐補陀書帶草長塵慮少鉢曇花  
放道緣多酒肴問字如相過引道松間不用呵

又荅景揚

朝家久設禮為羅小寄禪窻共講磨紅錦障泥飛  
驪裏黃金寶校琢盤陀冰壘薦飯鄉風古雪汁烹  
茶雅道多領取單傳心法去會將佛祖一時呵

挽章冠叟

卷却青雲靴書來意轉平於斯觀所養知不失其  
亨梧竹自師友梅堦皆弟兄悲風吹夢遠不朽是  
鄉評

再用陀字韻

煙霏深處萬山羅，閑裏工夫歲月磨。上采緯書卓  
鑿度下搜雜志薛，延陀手披不厭薰。沉水心悟何  
妨涉，貝多若問尊經閣中事。南豐作記也，須呵。

○ 斲葛行

晨雞未號霜塞塗，前村後村遞招呼。長鑿短篝采  
葛去，冰滿髯鬚風無襦。頻年米賤置不問，高藤稠  
葉青扶踈。但聞酒渴欲吞海，一片兩片甘於酥。山  
深土厚雨露足，造物巧為凶年儲。紙錢掛樹跪致  
祝，地媪發悶何其都。初疑大澤龍蛇螫，又疑京觀  
鯨鯢屠。防風氏骨碩且大，毌陀羅臂脩而腴。下  
山日未晡，候門迎路謹妻孥。松明燃火塲地爐，  
且削且搗投冰壺。細如桄榔滑如菰，白如人面赤  
如膚。和以粉米隨所須，餅餌其精飯其麤。潦田不  
收野草枯，飢虎藉此猶能驅。蔽其札耳皆可楮，征  
自葛始功莫逾。小兒媚竈愁眉舒，大兒捧盞還嗟  
吁。青青之麥何時鬚，長葛盡矣吾誰舖。嗚呼富青  
州，黃承事古人有，今人無醉摩便腹。視餓夫以腹  
揣腹心安乎。

卒歲

山雲披披日翳翳，澗冰衰甲風擁篲。紙窻透明竹  
扉閉，蒲團坐穩栢烟細。於羊去智魚得計，優哉游  
哉聊卒歲。

疥癢

疥癢悲志鬱髮涼慨年徂人特自苦耳天竟可恃  
夫忘憂草良媿蠲忿花更姝多渠有酒醕寬我無  
錢沽阿芝亦解事低眉薦吳歛

和雪

肅容盛氣下璇霄不作投壺玉女嬌坡老堂前微  
撲面伊川門外驟齊腰得風還解掀天起帶雨纔  
能控地飄無限陳根生意動早看綠長後園蕉

寶雲庵戒師

鍾山好住苦弗住馱嶺難居真欲居出地入天溪  
任我來今去古不關渠萬由旬上起膚寸一剎那

間彌太虛識得髮華雲體段妙高高處坐如如

戊子新元 老人七十有詩自述敬和

松鶴昂昂省見稀獨游汗漫友佺期光風霽日安  
排好秀水佳山闔釘竒嘉慶園中身最貴耆英會  
上爵猶卑縱心境界天和聚一笑花開蝶滿枝

用韻荅子有

舊雨來人眼底稀春風獨許共襟期斜川追古年  
年早曲水從今事事竒爛熳和詩齊少長淋漓被  
酒略崇卑驚回蜀道芳時夢花亞銀釵舞竹枝

歲事

山居歲事似羗村注瓦傾瓷酒半渾微麝和芴兒

糗糲芳臈夾薺斫饅飽阮生朱老情懷密張又身  
兄笑語溫簾外東風花信早更煩吹綠鬢毛根

羅察院父瑞桂堂

老僊方寸長黃芽百順薰蒸到物華移得廣寒宮  
裏種開將后土廟中花詩書根蒂聖賢脉忠孝馨  
香今古牙富貴儻來餘事耳化工深意屬君家

治平寺清音堂

普門以眼聽觀音以耳觀謂得觀聽真竟被耳眼  
瞞瞎却觀音耳聾却普門眼萬法本來空蒙頭都  
不管君不見大藏五千四十八卷第一句如是我  
聞無着處

春行

百舌梢頭一半春日長無處着閑心推枰競欲投  
機早結昵誰知用意深梅子胚胎鹽裏味桐花擺  
布蜜邊陰東臯西崦行幾遍軟脚跟躑索酒斟

田家以二月二日晴雨占穀價枕上口  
占

葛根已盡麥方青延頸東來米價平怕聽三更三  
點雨要占二月二朝晴

敬和 老人青梅

雪水迎風細作鱗青青又是故園春只知和鼎非  
凡子豈料升盤有苦人還我核來機轉熟寄

去意猶新側生底事搖車頰空作漁陽一點筆

社前一日點檢山房用呵字韻

不論塌扱與婁羅判却風光屐齒磨老柳強顏翻  
拓跋新禽滿意奏娑陀山如欲雨何妨住僧不能  
禪亦足多須信斯文天未喪龍蛇虎豹底煩呵

同日次韻可庵

夢破巫峯十二鬟家山逸駕尚容攀桃花見面東  
風裏應笑陳人老上顏

長寧高守定子見寄用韻奉酬

呼吸東風養姹嬰翰林非主墨非卿吾身元與三  
才並此性須存一點明盤谷釣鮮深復窈巷村頃

益濁還清久要誰似長寧守尚記慈恩惡姓名

陳尉信伯括水傷冒雨下朱陀出示兩

詩次韻

娑竭寶藏移列缺雲氣從平地決為壑殲人銳於  
鋒豐年變菜色樂土生愁容須煩霹靂手左耳剝  
乖龍

陳編貯山房故事追康廬欲共天下士讀盡人間  
書多君弓刀來發我金壁儲山靈似不分震雨翻  
河魚

中春中澣後一日老人挈累下西市寓  
舍越三日某行感而賦詩呈友人二首

血氣危頻復頭顱老數竒家如緣角鼠身是脫筒  
龜草樹春離列雲山晚蔽虧意行隨所到不必問  
何之

吐氣韶華裏關心曉哢邊鷓鴣天性在杜宇世情  
然怒笋和泥煮殷花蘸乳煎湏君來共此已辨杖  
頭錢

族叔疇甫老死於場屋人共惜之其子  
得瑞梅於園實三而花一花十二瓣碧  
色其遺文發祥歟老人爲賦詩敬用韻  
乃翁抱璞售無媒去作修文地下魁換骨法從青  
子得返魂香自綠陰來詩書根氣表無盡清曰源

流慶有開十二循環花瓣異信知六甲有時回

### 鍾太君挽詩

護額錦裁帕扶腰珠絡衣幾回呼使進盡日醉言  
歸徑古梅成蔭堂深桂合圍重來無復拜春色黯  
斜暉

### 鍾雲叔挽詩

秋隼風神聳春雲筆勢竒人情方共屬天理竟難  
窺哭子零丁母啼耶姪姪兒落花飛絮急行道亦  
傷悲

### 羅解元震龍母胡氏挽詩

三世不異爨一明皆力書此風今所少他行特其



餘藻錡明疏牖萱窩護碧除春光元自在遺夢香  
安輿

水牡丹

都人呼為雙魚花禁  
中呼為紫袍玉帶花

魏紫潛緋真正紅天公不管老東風紫袍玉帶雙  
魚掛猶把闌珊造化功

東山塔影

相輪高插碧霄寒好是如如不動山弄影翻光顛  
倒轉微權只在隙窻間

東西山二首

西山許邁無人問只說東山有謝安富貴其光明  
賤晦世清從一口兩般看

折屐碁邊情  
多矯捩鬚竿畔淚難  
荷如拍手招  
元放王室金堂深更深

敬和 老人寓舍

鄒不辭三徙滕何愛一屢典衣寬酒債乞米續炊  
烟勝敗供飛電虧成付響泉東山時撰屨花底弄  
潺湲

午困

故人書斷故山離義重惟窮到處隨無米曾中元  
自杵不替鬢底却能絲消梅乞與嘲鹽貴苦筍烹  
來恠響遲亡可柰何安若命午窻贏得睡便宜

再賦二首

誰爲風光管合離綠陰芳草日相隨此身百丈空  
三峽吾道千鈞繫一絲力戒盪舟君子适志期  
圃小人遲平生客氣消磨盡醉固佳哉醒亦宜  
一出俄經震巽離盈虛消息取諸隨盆栽齒齒何  
時藕簷掛蜘蛛盡日絲左城右平塊夢遠東  
崦杖藜遲稜稜瘦骨蕭蕭髮恰與黃冠野服宜

題李杜蘇黃像

金鑿天子如天大九萬里鵬容幾箇尋常溝瀆蝦  
蟬過紅錦宮袍空着破故書收拾歸去來倚杖斜  
陽唱誰和

右太白

風雲慘淡彩驄嘶日憂無飯仍無酒秋來東屯孰  
八九舉家歡呼拍銅斗老夫欲釀兒欲炊老夫  
醒兒怕飢商量不下撚斷髭歸與汝母折衷之

右少陵

黑風撼海晨烏青海恠出沒雲濤腥矯首獨立天  
冥冥保一以靜吾清寧椰冠野服雙鬢星抱書白  
隨妙娉婷眼寒海南蜃家丁

右東坡

神爲駢駢氣爲車秋雲扶踈春風腴湯餅睡起茗  
椀須意往獨與奚奴俱奴低頭笑公放懶不著書

右山谷

普照僧生雲軒雲閑閣

巖芳斂空華，谷響答虛牝。坐看白雲生，會得無生忍。

雨來山出雲，雨過雲歸海。悠然天地間，得此大自在。

夏至過東市 二絕

插遍秧疇雨恰晴，牧兒頂踵是升平。禿穿犢鼻迎風去，橫坐牛腰趁草行。

漲落平溪水見沙，綠陰兩岸市人家。晚風來去吹香遠，款款冬青幾樹花。

和黃伯淵 閩人見寄 二首

流轉風光六代餘，野蓬無地角與天涯。故人書到幾

青孛生面客來時，紫芝窮裏埋頭傾。啞酒涼灘手應盲棋，寂寥簡短君應笑。郎罷吟詩固和詩。

錦柱西頭始識君，便期墜鼻着風斤。餘甘到底有遺味，蒼筤本來無異芬。忽忽又弦涼榭月，亭亭還合暮山雲。玉泉道士窮於我也，買新鵝約右軍。

敬和 老人覽鏡

西谷柴車手自巾，風吹不到庾郎塵。回光返照千江月，復命歸根一點春。求畫同窻陶處士，涼宵專席竹夫人。徐公好醜渾休問，認取青銅鏡裏真。

又和憶可庵

耐翁流慶徧仍來隨處丞嘗薦笱苔但認白雲飛  
一點便勝黃犢走千回屋山早露祖梨熟墓道秋  
風菊桂開父子相從歸展省豈無野水爲添杯

次韻夏日

秧青水白四郊同召雨無煩訪守宮槐葉煮自  
市俗蓮花搗麴稱家風過從父謝三千客嬉戲長  
娛七十翁已是太平農圃老更指兩眼看升中

敬和 老人荷花

紅紅白白兩般栽淺淺深深一氣催但愛透從清  
水出不辭脫自淤泥來隨花着蓋相依立聚蔕  
房忍壁開妙潔色香無間斷床頭更撥洗兒醅

鎮越堂辭

江紹興鎮越堂仲舉建

氣佳哉兮鬱葱文五色兮虎龍江胥杵沙爲馳  
兮海若斂潮其下風前羲舒而後翳蔭兮軫獵來  
自東孕泰和兮諸馮煽炎暉兮沛豐於平秦望禹  
會其宇內之鎮兮詎伊越之雄堂兮堂兮宜其眇  
翠閭而羞丹蓬

西庵晚步

荷披菰折似秋嚴蒹草叢中菊露尖只有木犀荒  
不得嬾躡勃窣上亭簷

次韻七夕

弄巧拙逾甚合歡愁轉多擘金盟似海搔玉

河天運真旋磨人生特擲梭身閑涼月好且與醉  
無何

蜘蛛

已迫斜陽欲墜時謀身只怕脚行遲縱橫籠罩大  
為網首尾經綸渾是絲腹飽飛蟲肥似瓠味立毒  
螫利於錐朝來猛被兒童掃不放簷牙一點遺

晚徑六言

促織聲來竹裏凌霄花上松梢清泉白石心領野  
鶴孤雲手招

中秋

要看中秋月須交夜半時當中明明朗直下淨輝  
離地只餘風露天何有斗箕虛靈昭徹性開眼幾  
人知

敬和 老人石菖蒲

西風擺脫絡頭絲蓀壁爲家不問蒼分得九華煙  
雨壑種將五老水雲芝戟髯灑灑精神健劍脊稜  
稜氣骨竒窻外幾多凡草木爲誰張王爲誰衰

又敬和還家自喜

溪山魚鳥識車塵風日溫明試小春黃帽青鞋安  
樂法芋魁豆莢太平人接籬倒着情懷放蓬脊逢  
迎氣味真兒亦夢牽潭上菊和香細嚼勝猩唇

又敬和還家

喪家知似狗生子望如狼過盡燈花影空餘汗竹  
香菊肥人自瘦髮短慮何長霜蟹新芻酒由來苦  
易忘

○次韻臨安趙丞時丞讀紹運圖

燧農以前疑傳疑理耶亂耶難盡知唐虞三代號  
極治說着已是令人悲古來神器付有德人心天  
命何容私使宋與均不豚犬亦家天下如啓時乾  
尊坤卑大分定孰陽爲耦陰爲竒南巢牧野可自  
諉爲民噓寒濯其瘼後來龍虎戰劉李大氏鷓獮  
驅秦隋杯羹分我弗暇顧肯與兒女同車馳晉陽  
宮監計可劫機穽不管爲天窺中老翁此

冷看世變從旁嗤當塗典午夜負耳南北五代  
攫之螳螂黃雀迺相視誰肯帖耳甘伏雌日月出  
矣爍火熄此殆天意非人爲所嗟患失長樂老東  
家浙米西家炊榮華富貴風雨過但見金椎控人  
頤君侯讀書眼如月坐閱兩岸隨舟移詩成索酒  
澆磊砢通德裙帶紅榴垂

洗研

自洗洮州綠閑題柿葉紅一塵空水月百念老霜  
風鈍菊淒猶蕾顛桃艷已叢幹流千萬變誰實主  
鴻濛

贈俞次孟

古屋無過客，新涼得可人。爲回黃轂轍，同飯紫輪  
囿。杜雨初華，稻秋風未老。蘋扁舟苕雪去，詩料正  
橫陳。

己丑新年

幾度椒花頌歲朝，今年心事最蕭條。官雖有路猶  
窮轍，住豈無家却寄巢。金盡床頭顏易改，樽空座  
上客難招。一般獨得便宜處，病裏逢人免折腰。惜

病起獨步

病將春到眼慵開，只爲梅花猛一來。何處琵琶推  
卻手，舉頭啄木起林隈。

答請事簡

臘雪如席麥苗肥，春雨如膏菜薹賤。寧令前壁打  
後壁，不將熱面塌冷面。

寓事六言

飽鷺避弓橫渚，驚鱗透網平波。一段春光搖曳，幾  
雙靜眼摩挲。

次韻西山

山深莫道得春遲，雲漏晴光已大奇。夾徑幽香吹  
艾納，隔林絕豔點燕支。一川遠近迷漁屋，兩市東  
西認酒旗。錦野着亭坡老後，曾來可惜獨無詩。

次韻遣懷

不用憂春雨時來百草芳  
猫頭肥可甬雀舌嫩堪  
囊舊酒聞香烈新詩索味長  
櫻桃空落去吾老白  
雲鄉

挽元寂王道士

盤隱早具眼栗齋仍點頭  
豐碑俱好在爛醉更何  
求院靜桃開落林深鶴去  
留翛然風露表無處覓  
青牛

古意

條風從東來習習振枯槁  
美人倚窻閨別思忽已  
早兩句夢中得昔爲連理枝  
今爲斷腸草雞號天五更  
髮白不待老

中春望後一日登玲瓏

出郭暄欲暑涉林清自秋  
步隨目力高身與山氣  
浮飛來辛夷花拾得蓮葉舟  
一聲提壺盧四顧叢  
薄幽詰屈九曲屏突兀十二樓  
泉流澗級峻雲起  
峯陰稠左摩紫髯兕右拂蒼鱗  
虬牽衣憇更好擁  
策登三休上呼笙簫侶下瞰錦繡  
州豁落不平事  
消融無涯憂太極浩初判此山鬱  
相繆幾人記曾  
來老苔蝕瑯鏤玲瓏聽我歌  
歌徹玲瓏愁有酒且  
滑我羲娥雪人頭

夢語

塵尾御犢轅竹枝招羊車  
意足各人眼心合無天



涯寶扇閑草蟲碧衫涼暗花荼蘼金沙底清歌按  
紅牙醒疑不是夢夢到故自佳

次韻娑羅花

摩耶樹老無多子天女花妍有許般莫把東邊枝  
便斫堂堂留與碧霄干

讀漢事

病禹逢沈鷲酣參事懦盈陰陽眠燹理天地醉財  
成河嶽普騰立羲娥整蕩行無人能喚醒作意造  
外平

粥罷

昨朝隣家飯疊俎肉暨魚今晨自家粥單簋筍與  
蒲不為昨而賸不為今而臞面前有豐殺此腹只  
自如所以顏氏子簞瓢靡求餘

識字行

識字不用多識多反為累結交何用深交深或中  
棄紫微有君房郎將得賓王曾無半點墨七襄亦  
成章票姚新賓客文園舊婦翁雖非平生驩冰雪  
生春容勸君五車不須讀瞑坐蒲團養雙目作雲  
作雨手翻覆有時烏好丈人屋

散策

窈窕薜荔徑勃窣瞻葡林六出無他香御此衆綠  
陰低頭拾標梅齒老酸不禁仰看栗鼠度危梢與

雲侵百舌巧，滕頰時過聲。自沉搏黍晚，得意睨睨  
流好音。水旁兩三家，煮繭矮屋深。午忙不暇盥，荷  
鉏歸葉砧。夾橋女蘿密，趨塢孫竹森。仙人左元放，  
拍手東西岑。一氣地依天，萬事古猶今。溪山豈不  
好，感槩霜蒲簪。前乎千百年，有人獲我心。後乎千  
百年，知誰同此襟。

花獅

雪氈吾家戲，知親翰墨妍。渴來趨研飲，飽去枕書  
眠。弄影窺清鏡，收聲聽素絃。最能持大體，鼠輩任  
便儼。

老人賦鄭賢芝隱樓敬次韻

鵲經心訣在鴻寶，肘方全爲問春消。首何如夏，  
肩樓居高進月園。涉細疏泉學得種芝法，疑君  
稚川。

又敬和寓舍

借得盧仝屋，數間不爲太窄。不爲寬，曾中鵬背三  
千里。膜外羊腸百八盤，薜荔水中標本遠。菖蒲石  
上見花難。麈茶糲飯隨緣過，等作須彌芥子看。

除妄

酒泉能醉麼，飯顆免飢不。萬事得如願，一生應莫  
愁。涼風高放鶴，落日倒騎牛。諸妄冰消盡，吾師馬  
少游。

晚涼

樛枝陰合翠熏籠，曲曲斜斜石徑通。  
窈眇蟬聲綠獨繭，爲渠立盡晚來風。

迎秋

熱不能堪，又便秋天。天公底暇與人謀，  
形容如許馬非馬。氣力幾何，牛戴牛，  
勃勃松梢雲片起，瑤藕葉雨聲留。  
新涼收拾歸歌板，鈿合金釵萬古愁。

敬和 老人盆池

埋盆作沼，野人家數斛。山泉拍兩涯，  
人立晚風涼似水。荷浮香氣勝於花，  
蛙聲恰恰宜飛雨。鷺影依依，  
欠落霞齊物，逍遙無大小。不須煩惱，  
髮生丫。

喜雨一絕簡趙丞

龍公有眼識英材，好雨隨聲喚得來。  
酒面添如日水蒲，眉頭放與稻花開。

古樂府用禮禪滅翁韻四

黃金絡頭五花馬，榭葉無風雪蜚野。  
仰看飛鳥命中之好，芳儂兮誰似者。  
上蔡門望夷宮，往事了不省。引白春蒲容嘯笙，  
坎鼓踏雪歸馬蹄。不記來時蹤

右公子遊獵

河水湯湯，公母渡爲妾。言嗟未力，公渡竟不疑。  
雲昏風雨寒波深，蛟鱓飢二十三絃。悲復悲，  
黃鵠不

雙鸞獨飛

右公母渡河

桐春華竹秋霏蒼梧雲深人未歸  
烏八九子恣飛啄夜半飽啼  
山月落鸞驚引孤雛腸空羽毛薄  
爲言增擊勿作遙吹參差兮共飄飄

右鳳引雛

羽肅肅鳴雛離江南江北秋思同  
秋思中人無避處風酸月冷江流去  
鴈奴亦良苦群鴈不我馮夜深炬火滅  
復明舉網揜盡蘆花翎

右鴻鴈行

槿花

生啖蔗何妨晚栽槐恰待榮偈成  
投筆去天闕暮雲橫

挽銅里葉提點

養性居士白用心承事黃春風花竹  
豎秋雨繪尊鄉簡淡趨真諦廉平絜義  
方誌幽無長語手墨粲琳琅

徽州葉司理送冬笋

凍雪晴邊白柄鏡浴泥扶出錦綉衫  
定知王謝家苗裔風味生來便不丸

挽俞景梁

億計橋門士輸君第一壽文爲天下  
樣行與古人

謀磨鐵素心在注金蒼鬚休梅邊清絕夢誰更酒  
扶頭

用韻答厲輔卿二首

坐窮無過客失喜得吾儕材逸類淮海詩清如簡  
齋山明知玉氣水涸見霜涯期子進此道為親生  
好懷

南北錦一住東西巖屢登報春梅有信送酒鵲無  
憑之子能相過詩名不浪稱漉冰烹小鳳爽思為  
渠增

敬用 老人功臣淨土院韻

髓腦供祠寺膏肓倒井閭岸隕猶畧約塔禿只夫

章外伯妻孺人挽詩

婉孌從君子青雲遠大謀樂羊燈火夜李侃鼓臺  
秋露烏鳧迎喜星機鵲送愁誥花紛五色光動九  
原頭

東山懷謝傅用禮滅翁韻

金堂石室舊徜徉被髮依然下大荒月送嬋娟華  
落葉雲移縹緲濕踈篁相伊箏外深情酒幼度棋  
邊定力香往古來今開闔眼樓頭吹面朔風涼

韻 山中菰生米父老謂豐年之祥用子有

秋風菰黍黑山崦罕聞之產瑞搖銀海占豐麗王

池苑芄稂合穗裊裊糝分枝却憶官張望嘗新薦  
一匙

初霜

庭下曉來霜  
孤頓芭蕉折  
絡石瘦  
菖蒲獨抱青青  
節

九州山僧房

路突亭依石林凹  
渚見沙嶽危幾岫  
巉深蔚似琅  
琊客勸驚寒思  
僧閑忘歲華  
兩窻風露影  
一樹柑  
杷花

挽俞致政

德藻父

涉世萬緣薄  
愛書雙眼明  
身從平處立  
首向拙中

露徑風籬取次芳  
朝榮暮悴付流光  
一秒朶朶正  
相續比着人情大段長

用王司理

根韻送別二首

耳衢方四十滿  
謂乃翁如為底  
澣洗藥依然  
城日  
書光塵風物裏  
消息事情初  
束起東西玉  
功名富  
貴餘

蘆花秋撼撼  
征思旆悠悠  
歌吹莫愁國  
鼓鏡熊繹  
州曾竒空盾  
鼻膽雋落旄  
頭儻有西風  
鴈頻書老  
故俟

挽鍾孺人

夫沒姑嫜老年芳  
鑑珥新孤峯  
晴後雪頭果  
剝中

春命義生無媿言容死未陳西風吹拱木雙劍合  
龍津

挽阮宣義 逢原父

夜氣精神飽春風笑語酣脩篁森道北叢桂郁城  
南雨露榮三釜煙雲老一龕龍岡阡上路秋思薄  
晴嵐

獎菊 二絕

木犀蒲送第三香交割秋光與後行細雨斜風籬  
下菊安排青蘂做重陽  
菰葉離披藕葉欹精神得以未秋時西風坐斷  
芳路不屬黃花更屬

梅圖  
須窈窕釵先燕夷猶帶不魚醉歸天欲雪好箇招

石斛

蚘蝨髀多節蜜蜂脾有香鮮痕分磔砢蘭穎聚珠  
琅藥譜知曾有詩題得未嘗瓦盆風弄晚披拂一  
襟涼

平齋文集卷第六

